

晚

晴

移

詩

匯

晚晴移詩匯卷一百二十二目錄

文孚 四首

斌良 十首

潘正亨 二首

覺羅桂葆 二首

熊莪 一首

周光緯 一首

阿林保 三首

特依順 一首

楊芳 一首

嚴如煜 十二首

李如枚 一首

陳祁 一首

富斌 二首

敬文 二首

法良 四首

恩齡 一首

謝元淮 三首

觀榮 二首

楊光祖 一首

金槃 一首

鄉貽詩 三首

朱錦琮 七首

朱浩二首

常清二首

查奕照四首

張迎煦二首

王仲淮三首

王申伯二首

曹洪梁一首

查林一首

吳經世一首

延君壽二首

史善長三首

陶章鴻三首

殷焯達一首

趙均二首

何椿齡二首

楊紹基三首

吳乃伊一首

陸嵩六首

龔鉞四首

查人和二首

嚴廷中七首

陶譽相一首

查有新七首

陳瑞琳一首

陸文傑 四首

湯禮祥 二首

吳嫌 四首

王蔚宗 二首

王斯年 二首

林遇春 五首

周寶生 六首

錢允濟 二首

晚晴綵詩匯卷一百二十二

徐世昌

文孚字秋潭滿洲旗人官至文淵閣大學士諡文敬有
秋潭相國詩存

宿東科爾寺

夢醒招提境煙嵐聚小樓一峯寒受月萬木夜生秋薄酒
難成醉清笳易動愁臥聽清梵靜身世笑浮鷗

晚到哈爾海圖

策馬燉煌外高寒雨乍收煙原沈去鳥風谷撼歸牛野曠
征衣薄天低畫角愁平巒堪放眼萬里大河流

觀青海圖作

極目巖疆萬里平披圖鐙底塞霜清摩天雪嶺春無草伏

地黃河夜有聲

按黃河在番地時伏時見至星宿海以東始建瓴而下

禿髮穹廬煙

縹緲烏斯朝貢路分明九重若訪安邊策循吏由來勝甲兵

伯都訥道中

小吏相迎盡短衣平原千里颺晴暉馬肥春草臨邊牧雁
覓芳塘貼地飛疏雨無聲寒劍佩西風有力動旌旗何當
笑共穿楊手且逐黃羊獵一圍

斌良字備卿又字笠耕號梅舫滿洲旗人廕生由主事
官至刑部侍郎駐藏大臣有抱冲齋集

詩話笠耕名家貴蔭少隨父達齋尙書浙撫任阮文達方視學從其幕中諸名士游卽耽吟詠後歷官中外數奉使西北邊塞山川行役多見詩篇集中與張船山吳蘭雪姚伯昂諸人唱和最多亦蘭筍中風雅眉目也

北鎮廟

山勢東趨壓廣甯芙蓉幾朵列圍屏雲迷雉堞千重白雪
冷蚪松萬古青浩蕩雕盤低朔漠扶搖鵬奮接南溟時清
早徹防邊騎霽栗吹寒對曙星

舟泊東昌望光嶽樓欲登未果

青帝所宅震位崇巖巖氣象凌華嵩陰陽闔闢割昏曉富
媼孕碧延崑崙雕鐫造化青未了紫翠變滅東海東博平
樓觀屹然向妙構不數般僇工枌檠高矗礪礪鏤瓊榱丹
栱真珠櫳扶桑雞唱靈景曜瀛壖燭照光臚臚扉明玉女
望窈渺榜題韋誕驚心忡不聞華鯨吼午夜仰見鐵鳳翥
晨風想象俯瞰煙九點徂徠鳧繹培塿封詎知坤軸鬱靈
脈岱宗一氣開鴻濛沈寥穹宇睇莫極我來正值鶉火中

魚鱗埽盡鳥革現苦思柳栗梯長空朦朧遮道吏卒守可望難卽壺嶠同蕊珠閨苑豈易到聲聞咳唾金天通幾年奔走困塵壚襟懷茅塞嗤吳蒙會須振袂躡絕頂屏除六鑿吞長虹昨者防秋駐河上呂梁直下驚濤洪其魚雖免灑沈歎賓薪湛壁終無功量移江左督輪轉豈有籌策追牟融垂魚依舊竊光寵天之施我祿已豐體臣鉉處愧無狀欲排闥闔舒深衷長風引去又解纜夢魂常繞清虛宮

金陵過朝陽門作

鍾山王氣黯消亡臺殿全蕪草樹荒牙將射雕馳閣道牧兒挑菜傍宮牆嵯峨華表臨秋渚零落銅駝卧夕陽殷鑒勝朝遺炯戒漫誇天塹鎖江長

商都雜興

有元拓跋舊宮庭消盡頭鵝詐馬名滿目邱墟少禾黍微

茫草色接開平

巴雅斯胡圖西北有城大四十里卽元時開平遺址

明昌捺鉢似抵平水草豐時駱橐生一抹微雲山翠外春

鋤依舊勸春耕

有水草當頓馬處曰捺鉢四時遷徙春鴨

遼史志行營序國朝制度巴彥塔拉山外許漢民間墾納糧隸獨石口同知司其事

戈壁蒼茫萬里途盤車北上塞雲孤海龍江獺魚油錦質

易新通恰克圖

自素呢特至達里岡愛皆沙漠北通恰克圖許蒙民交易設庫倫辦事大臣及理藩

院札爾琿齊管理

滑笏波流克蚌河濫吹鋼凍舞婆娑插竿纍壁當蘭若雅

岱山巔鄂博多

克蚌河在上都牧廠東北亦名克衣綳河雅岱在正黃旗牧廠東蒙古名額倫拖羅

海華言卽鷹山也蒙古每於峯頂纍亂石插幡竿於上祀之名曰鄂博華言卽寺也鋼凍西番樂器名以桐骨爲之

鴛鴦坡畔草萌芽毳幕氍毹房著處家風捲駝茸鋪白氍錯

疑邊塞落楊花

塞外無林木駝毛脫時飄揚滿地渾似楊花鴛鴦坡在北海見楊允孚詩註

丹棋凌霄梵唱圓駝酥鐙照九枝蓮西方兜率多歡喜婉

嬾花鬢色界天

喇嘛寺供佛像皆變相一日厄利汗二日作嘛知三日嗎哈噶喇且多祕密佛

碾伯縣

蒲海沿邊郡崢嶸磴道盤河冰連地結嶺雪極天寒屬國

秋持節將軍老據鞍西戌今底定何事翦樓蘭

潘正亨字伯臨號何衢番禺人諸生官刑部員外郎有

萬松山房詩鈔

舟次胥江寄懷立之棣萼季彤諸弟

江雨忽如霧山雲慳放晴長途風雪舊壯歲別離輕忽憶
同懷子憐余事遠征東歸附瀕水流夢到江城

泊沙灣擬游小金山阻雨不果

放棹窮幽賞連陰不肯晴寒煙欺柳色急雨亂灘聲古寺
雲中梵雄才海外名無由參慧業一爲證生平

覺羅桂葆字真庵滿洲旗人官戶部主事有敦善堂集

涿州

日南要郡重經過城垣高聳形巍巍沙跡漸侵胡良岸柳
色暗綠先鋒坡車扉兩版客夢穩蹇羸一雙鈴語和西山
留人太無賴迢迢百里堆青螺

湖上大雪作歌

重重疊疊雲氣圍蒼蒼涼涼湖浪稀元冥司令理應爾雪
花如片漫天飛逆風行船馬脫鞵碎冰琤琮喧石碕遠峯
埋沒近峯峭低橋明潔高橋巍葛嶺松篁綠愈靜棲霞楓
丹紅賜緋南屏鐘聲凝翠微氣候凜冽僧扃扉逋翁騎鶴

天外歸坡老撰杖林間晞相逢一笑戛烏榜輕蓑催換漁
人衣湖樓疥壁去臘尾禿毫忍凍淋漓揮幾痕鴻爪忽到
眼振觸吟興呼妃豨我本左司舊賓客兩年湖側疎嘲譏
乾坤更幻游世界天意不薄人難違暝禽唳空導歸路船
脣蓬背生光輝逝將呼朋詣絕頂吳山殘雪供攀依

熊莪字璧臣天門人官刑部主事有寄情草堂詩鈔

送戴蘭江觀察赴任南河

繡衣持節賦將離幾載秋曹得所師治獄爭誇子定國浚
渠還借鄭當時栽培南國棠千樹惆悵西風酒一卮瓠子
安瀾頻奏績好憑雙鯉寄相思

周光緯字孟昭仁和人官大理寺評事有紅蕉館詩鈔
元日立春五畝園看雪

隱几待明發，醒然警晨鐘。策杖入園扉，曉寒何惺忪。微茫露奇石，淅瀝棲長松。當軒風尚竦，隔屋雲猶濃。愛此作小立，寒犯裘蒙茸。慶茲首祚日，是日斗柄東。側聞野叟言，百歲不易逢。今當清晏時，壽寓方延洪。九垓雖云遠，同在春風中。奚爲望西笑，耕鑿皆堯農。有園廣五畝，有田可十弓。學稼與學圃，我將何適從。古梅解人意，花開若爲容。折之貢北堂，以爲椒酒供。

阿林保字雨窗，滿洲旗人。由筆帖式官至閩浙總督。諡敬敏，有適園詩錄。

六和塔

拾級凌高頂，危欄未敢扶。山從朝日出，雲到大江無。地勢隨吳轉，濤聲向海趨。滄桑經幾變，千古此浮圖。

看桃花

客舍適無事出門春滿山東風孤寺外夕照小橋灣倚杖
入雲去撥舟隨水還武陵意一往未必非人寰

買花券

何必山涯與水濱案頭屋角四時新片言訂得林中約一
紙招來天下春破例不妨同市僧買花畢竟是騷人當年
玉鼻誰書券笑步東坡馬後塵

特依順字鑑堂滿洲旗人官至烏里雅蘇臺將軍有餘
暇集

中秋重游白鹿洞同人雅集分韻

勝蹟重游喜共登遙山浮水影飛騰三千界外秋光動百
尺樓中夜氣澄香滿乾坤八月桂星連上下萬家鐙酒闌

還向高僧話幾度禪林感廢興

楊芳字誠村松桃人官至湖南提督封二等果勇侯加

太子太傅諡勤勇

詩話勤勇結髮從戎經百戰戰必躬先士卒所向克捷少受楊忠武識拔威望與相埒稱二楊且先忠武而侯嗜讀易旁通醫學兼及青囊三式皆有論著

永州返棹經三浯步元次山窳尊原韻

大江水西來迴環繞幽亭窳尊凹石穴石以次山名亂峯
嵌江渚一掬傲東瀛秋雨溜不竭中睹鼃黽生有唐昔中
葉災黎慄洪溟漫叟更春陵不忍獨爲醒時時發醉語嘲
戲餘深情當年持符地瘡痍滿荒城至今頗遺愛竹樹炊
煙青亭小難容席白雲環檐楹尊空留殘滴窳淺尙古形
我來挹高風時思攜甌餅陶然共一酌何必期淵明

嚴如煜字炳文號樂園一號蘇亭潯浦人嘉慶丙辰舉

孝廉方正授知縣歷官陝西按察使贈布政使有樂

園詩鈔

登湘皋日先生諸生時卽好談兵以承平日久武備廢弛慨然懷傅介子班定遠之略嘉慶初黔楚用兵上平苗十二策陰結大小章犵狁頭目質子十九人與共卧起卒賴其力復乾州通黔楚路苗疆底定其力居多在陝二十餘年平定南山教匪因與戎事相終始遂以其間繕城垣立堡砦濬壕溝築堤堰教耕織崇學校教養兼施邊境肅然至條陳屯田水利建置邊疆文武營廳規畫詳盡厥功尤偉所著有苗防洋防三省邊防備覽

從軍行

詩話樂園經世偉略詩特餘事集中從軍憫農諸篇有杜陵出塞道州春陵遺意華陽吟及木庵鐵廠紙廠諸詠塞堡行團練行前後鄉兵行皆關於南山風土形勢軍事亦採風者所必取七律命意沈雄結響高亮有明七子風格專家無以過也

昔對金門策太息怡安篇公卿虛前席共推賈生賢南山
盛盜賊民命迫倒懸澄淸亦有志叱馭乃竟前

軍符來漢南星言速征驂鳳嶺雲連翅柴關樹如藍訛言
慄我僕鏑鳴更九探慷慨向前去險危余所諸

人髓黃狐耽人腹蒼鷹啄磊磊戰骨白當道研車轂隴蜀
道路通萬竈列林谷壯哉草橋戰殺賊最神速

於草橋殺賊萬
餘棧道遂通

經略額侯
勦伍金柱

階文又金川道路五千里赤眉不相值千羣空武士膏雨
今郇伯豆區惠閭里王師本無戰壯士爾徒死

小者結寨棚大者築堡城十百聯爲一比里室家甯耰鋤
鋤鉤戟隴畝安耕耘此語吾非妄古之民皆兵

南山古陸海耕作半流人擾之而爲賊禍患相頻仍千里

天安地安危仗大臣但能擇守令黃巾皆良民

妖星去年落鼠穴一時清小醜何足數歲登百室盈願戒
兵猶火相期政皆平帕首鞞刀者本來一書生

答楊春暉都中見憶兼柬春田竹梧笛樓雲橋白橋
麓西諸子

隴首茫茫望朔雲一天梅雨鎮懷君都亭叱馭今三載井
絡連營尙六軍大將鷹揚歌破陣故人鴻爪悵離羣嶽雲
河樹層層隔翦燭何緣話夜分

送鶴文總戎入覲

十年從事亞夫營大樹將軍舊有名自古奇功多世將幾
人折節似儒生馬盤天半飛蛇路箭聽秋空落雁聲報國
祇今年正盛戟門深對五雲明

廿六縣張之吉戟門深
閉條屬不得登堂稱祝

沅城雜詠

貞臣壁立障狂瀾僕寺何心薄冷官自信主恩憐
讜直誰知黨禍病衣冠千秋蘋藻荒原裏一徑松楸暮靄端
雄山吟嘯處古琴能得幾人彈

雄山相傳爲蒲太僕讀書處

抵嶺南呈繹堂先生

戈船橫海舊登壇幕府相依尙素冠丞相舍人容魏勃
將軍客愧任安曾憐誓墓情懷切敢憚從戎道路難
銅柱卽看銘越秀蒲帆會許挂湘瀾

懷李二內翰

烽火連年迫上庸鞭刀幾隊健兒從田單只計宗能保
李廣何妨相不封虎穴揮戈餘慷慨鳳池簪筆鎮雍容
笑余介冑慚文吏華燭清樽接子丰

李如枚字怡菴漢軍旗人歷官長蘆鹽運使有怡菴詩草

古北口曉行

千尺雄關拱薊門
曠曠曉日映長垣
雙扉不鎖灘頭水
繞郭年年碧漲痕

陳祁字紅圃嘉善人歷官陝西陝安道有清風涇竹枝

詞商於吟橐新豐吟橐南園雜詠從戎草蘭行草

詩話紅圃爲楓崖光祿從孫嘉慶中官陝右正值教匪作亂頗著戰績知商州與州同蓋方必合謀禦寇更三年得數大捷蓋緣是得名紅圃亦屢遷至監司集中樂寨歌有云勸築寨勤築寨寨成時賊自敗野無可掠壁壘堅楊腹何能肆蜂蠆其時堅壁清野之議初行卒藉此以滅賊云

山中夜行

月暗霜寒夜空山
彳亍行林深人跡少
石亂馬蹏驚欲覓

溪橋路先尋澗水聲到村來犬吠問寺聽鐘鳴巖影四圍
黑天光一綫橫遙鐙時隱現老樹忽支撐劍氣疇能識棋
心自不平僕夫嗟況瘁誰喻此時情

富斌字筠圃滿洲旗人歷官陝西陝安道有紀夢吟草
九月四日坐雨

坐久蕭然萬慮清幽禽兩兩傍檐鳴雨聲欲釀寒花老風
力能欺落葉輕北望堯封雲鬱鬱南尋禹穴水盈盈流光
又近重陽節何處題糕會友生

疊營字韻寄盛子履

莫歎儒冠誤半生名場屈指幾人成耽詩未必非清福嗜
酒何嘗減至情姓氏千秋原有命窮通一笑自無營憐君
近有羈愁句故和新篇作越聲

敬文字廉階滿洲旗人歷官山東兗沂曹濟道有紅葉

山樵詩草

蟬

繁音催過夏遠韻又迎秋木葉未全落鬢絲先已愁身輕
高柳外聲斷曉風頭敲枕不成夢淒清百尺樓

秋葵

秋花闌繁豔栽植滿園林惟爾甘籬落偏存向日心幹高
出百卉色重比南金莫笑宜農圃山村雨露深

法良字可盦滿洲旗人歷官江南河庫道有漚羅盦詩

稟

梅伯言言曰詩之境宜於嗟我蕭瑟不涉凡近可盦生長華胄平進富貴而清曠之氣獨得於詩如是其性情之邁於流俗爲不可及

感秋

商飈吹我幃皎皎九月明中夜不成寐起坐揮鳴琴三星
入戶低北斗高未沈白露下叢薄棲禽巢遠林美人在雲
端相隔若尺尋一彈理七絃但傷無知音豈欲有知音聊
以協素心

有感

聞道淮南事可悲其魚萬姓歎流離天心未必無生意地
勢居然似漏卮孰訪畫區尋禹迹須知洪水在堯時廣陵
八月觀濤處惆悵難歌七發辭

入瓜口

放眼金焦外雲中艤萬艘人煙瓜步樹殘雨廣陵濤身世
隨孤櫂乾坤感二毛狂思斬蛟隼頻視呂虔刀

南陽湖夜行

卧聽沙禽語推篷對白蘋
天空雲在水風靜月窺人身世
慚雌伏江湖比雁臣坐觀羣
動息吾自樂天真

恩齡字楚湘滿洲旗人歷官江蘇淮揚道有述園詩存
甲戌荷月二十七日雨窗作

小閣輕寒夢乍醒
滿園秋色上窗櫺
無端鎮日瀟瀟雨不
種芭蕉也怕聽

謝元淮字墨卿松滋人歷官廣西右江道有養默山房

詩錄

舟過青溪縣遇漲泊大王灘上

峯影壓船重鼓棹發青溪水濁知江漲
波湧散鳥鷺山中
夜雨足高浪興山齊
浮舟入天漢斗覺前峯低橫流競東

注倒瀉何時西平生慣江海見此重慘懷空有舟楫在滔
滔歸路迷仰愧飛鳥翔俯愁斷猿嘯懸崖阻焚岸萬仞何
由躋

留別吳醒樵

頻年蹤跡囿塵埃塊磊難消濁酒杯白首漸憐詞客老青
山同哭故人來雲煙屢幻身猶梗霜雪重經念已灰遙指
楚江天外遠風波如此片帆開

登大伊山望海慨然有作

童男艸女覓蓬壺卻笑秦皇作計粗採藥樓船何日返登
山筇屐此時俱江河入海涵清濁齊魯連雲望有無誰信
島夷來地底一揮長劍掃天吳

觀榮字青農號梅林滿洲旗人候選道有挂月山莊詩

鈔

三泉寺訪王茂才

扶杖偶然去沿溪不知遠日入白雲深天迴丹楓晚清磬
出深壑殘雪點絕巘披蘿到梵剎礙徑松枝偃琉璃光閃
爍龍象氣偃蹇彌勒同一龕山蔬香積飯君方抱佛腳我
亦迷途返

三月二十七日御青陽總戎邀游楊厓巖觀瀑詩以
酬之兼簡州佐言寶侯

元鼎五年下南越何暇來結山水緣樓船一去不復返後
二千載名仍傳我聞巖中瀑布實奇絕不數匡廬雁蕩天
台巔方今總戎整以暇勝情勝具來相延二三好友聯轡
去鶯囀草綠山花妍入山逾深路逾狹潑眼青翠高摩天

雷聲轟轟不見影蒙茸竹樹樓閣懸紆徑以入蟻穴曲循
磴而上螺紋旋懸厓斷處下無地千尺倒挂龍蜿蜒毛髮
灑然換塵骨栩栩欲化凌雲仙靈湫噴出珠錯落神物何
日潛九淵時凌八垓作霖雨歸去抱珠深窟眠初看出峽
原一綫定知潤物成千川平原曠蕩三萬頃灌漑盡作膏
腴田水源未省何處落欲叩真宰無言詮回頭雉堞在足
底來往蟻織紛喧闐太息紅塵消白日凡心欲悟虛空禪
從來靈境多幽閤不遇好事誰爲宣況乎古人亦陳跡風
流難溯魏晉前徐凝詩惡太白死髯蘇往返無聞焉將軍
此來若發覆我幸與君相周旋題詩紀事勒之石後起何
必輸前賢雄州別駕聞此語相視而笑爲欣然

楊光祖字顯堂漢軍旗人歷官南甯知府有舊奩詩草

曉起出峽

遠眺近昭平灘聲傍耳鳴嵐浮青嶂隱日上綠巒橫試險
人常慣奔湍意轉平梧江三百里往返一帆輕

金榮字丹采號素中仁和人歷官濟南知府有清暉閣
集

重陽日過仙霞嶺

五年三度嶺此度恰重陽正好登高會誰憐在異鄉遙天
賓雁入細雨客衣涼憶昨中秋節團欒侍北堂

鄒貽詩字愚齋一字石泉漢陽人歷官福州知府有浮
槎存橐

錢衍石日石泉官閩三十年中更戎馬民
功軍閥皆有可紀詩什興而成蹈乎大方

旅宦

旅宦艱難徧三春百戰餘野荒新鬼哭天遠故人疏琴劍
悽行色鶯花伴索居少年棄繻者飛動意何如

軍中秋興

濤聲秋捲海門開艦艣爭看節使來十里郊原猶劍戟一
年城郭半蒿萊出山殷浩心原壯入楚廉頗老漸催見說
施藍威望在夕陽憑弔首重回

聞道孤城未解圍眼穿消息又斜暉頻看貔虎縱橫去又
見蟲沙散漫飛捷奏經時疑信半主恩入骨死生微正當
宵旰憂勤日鼓角聲中淚灑衣

朱錦琮字瑞方號尚齋海鹽人議敘知縣歷官東昌知
府有治經堂集

詩話尚齋爲松喬司勳子初知宣城甚得士民心值
江水盛漲孤舟出入風浪中撫綏賑恤仁聲尤著詩

以樸厚爲尚李邁堂爲作序稱其
意切詞清與泛濫爲豪者迥別

綿山

城外高山接太行春深墓草散牛羊禁煙節自多風雨旌
善田誰種稻粱十載君臣同牧圉一身泉石中膏肓晉祠
流水清如玉洗出幽巖數點蒼

徐州旅店有懷六弟

馳驅孤負薜蘿身越境先從此問津地界長河築高岸天
留殘月送行人中途改駕無鞍馬旅館加餐得錦鱗曾約
連牀攄別緒陟岡知否雁來賓

野望

曠野蕭條暮景懸眼光盡處地連天路無馬迹多荒草村
有雞鳴隔翠煙近樹高於遠山頂朝霞明到夕陽邊肩摩

古驛勞迎送指點歸途緩著鞭

自柏硯山至引虹橋

兩崖迴合處仄磴下肩輿芳草青黏屐晴雲淡曳裾山空
惟有樹澗曲更無魚峽口忽中斷長虹駕碧虛

樓從橋上蓋地僻往來稀泉洗石根瘦煙環松影肥李侯
游未到梅氏宅相依小憩成孤賞鐘聲落翠微

栗珊弟得天台赤藤杖歸獻伯父爲作歌

天台一萬八千丈謝屐梯雲未能上陰崖雪積萬年藤飛
作仙人九節杖仙人王烈朝玉京葛翁又向璿臺行紫芝
靈藥不輕洩君昨宦游過赤城赤城霞起連遠岫衆聖排
雲露肩袖見君中道立徘徊笑拔髭介君壽君時四十
年方強手摘星宿如探囊厯徧雲藍七十二攜歸東海呈

高堂憶我高堂謝單宰孫枝侍舞斑衣綵歸田復出終郎
官天壇靈壽今猶在我攝淮平斗大州青藜簇簇蕃新秋
披枝翦葉飾根榦相期致仕扶爲鳩白髮扶鳩仰世父手
中紫玉堅如柱戶牖閒投欲化龍鰲溟眇爽騰風雨半載
曾連聽雨牀與君遙祝壽而康秦溪宛水一千里眉介何
時進玉觴

四弟自薊州送酒來

薊門風雨引杯長別去燕臺夜有霜刺史權來逾五日菊
花開處過重陽莫瞋周顗馳名早多謝陳暄爲我藏恰好
東籬索詩句白衣人到便傾觴

朱浩字屋齋大興人歷署瑞州九江知府有杏花樓詩
藁

登庾樓

潯陽城北一江秋高棟凌虛舊有樓千里舳艫連白下二分煙樹是黃州風流未必輸前輩月上還須共此游回首匡廬開半壁鑪煙正在紫峯浮

孔家涵桃花

田頭老農顏似鐵操犁日朝到日昃歸來破竈燒涇葦翠煙如縷消殘雪蒸藜煮藿兒女歡不嫌泥垢同盤餐黃土築牆茅蓋屋此中卽是桃花源門外忽見胭脂山一株兩株春風顛浣紗女子清溪邊賣珠侍兒修篁間金粉揚州空鬪巧富貴春明無此好水流花發少人知黃牛獨斷門前草

常清字裕光滿洲旗人官佐領有筆耕集

尋梅

聞說山頭寺春風到野梅入林樵逕轉照眼暗香催翠萼
倚殘壁疏花圻古苔平生泉石趣對此重徘徊

寒食署中卽事

山城細雨日連綿做出棠梨寒食天門外蕭疏多是柳廚
中淡泊不生煙催成暝色憐飴管嘯老春光怨杜鵑留得
庭花諸樣種呼童撒向小窗前

查弈照字麗中號丙唐嘉善人監生官淮安同知有東

望望閣詩鈔

詩話丙唐博覽工文兼善書畫負經世才迭居大幕
援例得官百文敏督兩江尤器賞之宦歸後與張叔
未黃霽青唱酬無虛日畫花鳥得宋元
人遺意偶作仙佛亦具漢人畫象筆法

通天臺

老去悲懷五柞風臺高浪說與天通露濃金掌來王母月
冷珠幃失少翁萬里貳師空黷武千秋一夢竟邀功羨他
楹角無知物翻得淩虛上太空

高平寇警同郡守以下各官守城感作

匹馬上孤城刀光潑水迎燕然無巨筆細柳有堅營甲帳
含昏霧春田誤早耕一般花月夜愁殺玉溪生

七夕寄內

低頭思昨歲此夕正停機客夢疏碁遠鄉心落月飛江空
迴雁字風急卸林衣合被癡牛笑年來計更非

高郵道中

板渚揚颿過竹西疏楊三十六湖隄刈蒲成束高於屋賣
鴨論雙賤似泥壁社畫橋誇米芾藕塘戰壘說劉猺家家

但祝田疇固吹火籬根傍釣磯

張迎煦字鄒谷號晴崖仁和人諸生官永州同知有秋

紅館詩集

端江舟晚

據關酋虜遲來庭角吹樓船去不停
靺鞨晴波搖夕照貔貅小隊列津亭
村村榕蔭濃垂綠朵朵蓮峯遠送青
醉倚吳鉤一長嘯魚龍驚起晚風腥

丁未春日將歸里門賦別楚中諸友

殯然自覺百無能且學吾宗老季鷹
皮相可憐成蹙叟頭銜又復署龔丞
豈真樗櫟偏多壽未必參苓盡有憑
算到不如歸去好鄉心先已過吳興

王仲淮字桂芳一字芸巖吳縣人官東河同知有天繪

閣初稟

黃華山瀑布

黃華山接白雲平

白雲山與黃華山相接

飛瀑懸崖勢若傾千尺珠

簾寒不捲九天銀漢落無聲錦屏對峙開雲母丹壁中分
界水精我欲尋源登絕頂仙人樓上坐吹笙

弁山積雪

難分玉柱與金庭詠罷霓霓裳舞袖停銀海波翻龍護甲瑤
臺花滿鶴添丁林棲月魄渾同白梅壓雲鬢不露青披氈
風流雖已渺百年郢曲有餘馨

題安之弟詩詞近藁

爭道驂騑迴絕塵吾家小謝最清新曾吟白雪雞窗伴看
步青雲虎觀賓楊柳曉風三變調芙蓉初日六朝人板橋

百里相思夢夜雨池塘芳草春

王申伯字虹亭吳縣人官上南廳同知有碧螺書屋存
草

登天繪閣

放眼青霄外披襟碧浪間雲閒爭入座波動欲移山朝爽
憑開牖秋聲靜掩關望中煙幾點佳處好躋攀

珠樓晚眺次何竹坡韻

日落海潮寒月上禪房靜樹杪聞鐘聲
澹忘歸逍遙樂餘景
雲隱孤艇對此

曹洪梁字雉山上海人諸生官龍勝理苗通判有宜雅
堂遺集

秋日之郡舟行卽事

小艇乘潮發行來傍野塘岸移楊柳影風送稻花香輕舫
分秋水孤帆扇夕陽人家煙樹外此景最蒼茫

查林字花農宛平人官雲南通判有花農詩鈔

上元邳州道上次夢白韻

重此宵征圯上過惟餘詩思蹇驢馱英雄幻迹陳編在佳
節浮生客館多霜重月明行不得懷人憶事夜如何江南
路盡寒猶冽緩緩春光嬾渡河

吳經世字捧日號秋樵錢塘人官德陽知縣有小隱山

房詩鈔

雨窗都轉約游明湖次韻奉謝

巾履追陪載酒游渚亭煙景共遲留麥畦暝雉雄雉柳
岸深眠子母牛小雨過時邀素月微風度處皺新流扁舟

穩借推移力不向芳塵逐紫騮

延君壽字荔浦陽城人諸生官長興知縣有六硯草堂詩集

河北村題壁

煙散前林霽茅簷罷午炊雨多收稼晚鴉亂定巢遲糝米
田家飯幽風壁上詩願將歸隱意說與牧羊兒

雋三歸自太原

朔吹并門雪片粗暫歸蓬戶養清臞諸侯賓客古時有健
筆縱橫今世無著體短衣仍敝褐倒囊詩句燦明珠梅花
消息南枝近收取寒香入酒壺

史善長字春林番禺籍浙江山陰人官餘干知縣有味
根山房集

玉山阻淺

昨從河口來淺若甌在舖今入玉山境沿洞石可數至此
三易舟一舟分作五接坐膝屢交無篷目快睹舟人慣負
舟肩承力各努進以尺寸計喝號胡嚨鼓何恃逞豪強水
碓儼分部灌田非所謀取值乃市估累石建爲閘閘截水
沒肚閘水截愈深舟行客愈苦分彼一寸流喊怒如虓虎
蕩蕩本官河司土豈龔瞽曷不清其源恩波一例普中流
恣放舟嘔啞聽柔艣

重游峽山寺

十年苦憶峽山寺今日舟從峽裏過落澗泉聲依舊壯當
樓松色比前多僧閒多數雙禺典我老慵揮落日戈爲問
白猿歸洞後有無消息到巖阿

門前觀穫

買田買近村治圃治枕塘枕塘易灌溉近村便觀望門前
十餘畝雙溪夾其旁臨軒一披襟稻花微有香淅淅西風
吹垂穗日以黃距秋尙半月趁此日當陽招呼及疆以錢
鎔一時忙胡牀但坐嘯嘉粒已登場

陶章濞字季壽湖南甯鄉人官鳳臺知縣有嘉樹堂集

趙象庵舍人招至悅性僧樓觀太液池荷花前四日

間法梧門學士已邀蘭雪國博來游有詩次其韻

金牛湖上看花日櫂舟往往淩晨出狂飈吹我墮塵土五
載回頭計全失荷花歲歲能一紅人生漸漸成老翁勿論
卿相難到手拖朱曳紫終成空平生自歎詩在口有似風
蟬咽隄柳長吟無用不救飢豈若此中惟飲酒舍人清福

山僧齊念年宦隱居城西花軒竹榭樂不足來看千頃紅
琉璃禪關晝敞涼風入冉冉綠霧沾衣溼四圍雲水繞闌
香萬箇娉婷向人立可憐此樂只片時願具井磴從禪師
誰知二客好懷抱先我已作游仙詩

夜靜

夜靜蛙聲亂庭虛露氣侵淡煙深樹暝斜月半塘陰事往
都疑夢愁多欲廢吟宵游宜秉燭想見古人心

自南潁別墅暮歸可莊復乘月訪郭頻伽

城郭人歸余亦返搖搖一舫浪生花疏鐘隔水不知寺明
月隨船直到家遠見書鐙背嶺出更緣石徑傍隄斜吾儕
良夜休虛擲野店香醪近可賒

殷焯達字覺軒貴陽人諸生官秀水知縣

由港口入遂安坐竹筏早行

側耳雞鳴報曉籌鐘聲遠接水聲流寒山野寺知何處竹
艇一篙風葉秋

趙均字國章號平垣順德人官揭陽教諭有自鳴軒吟
草

乙亥浴佛日伍東坪觀察招同謝禮浦太史游小金
山夜宿淡公禪房用張承吉題金山寺韻

玉局留鴻爪金山大小分樹梢遙列岫樓角仁攢雲星斗
巡簷摘波濤入夜聞疏鐘醒覺夢何處著塵氛

百花澗

在龍潭之下游常有奇花產
於其下多不知名冬月尤盛

春色滿天地尋芳日溯澗得知誰氏植時有好花開澗已
同羅嶠山應勝惠來惠來有百花山野橋衝雪往甯祇看寒梅

何椿齡字竹友成都人拔貢官瀘州學正有竹友詩集

題沈孺存磨劍圖

學書不成去學劍鬚眉如戟目如電十年霜刃不曾磨出
匣秋光驚匹練石鑿鑿波灩灩劍光水光融一片攝衣跣
足向中流水底應使蛟龍愁紛紛世上恩仇多欲磨未磨
先摩搓荆軻不作聶政死劍兮不利當奈何提劍起行且
止游大梁入燕市昔日朱門今荆杞負恩不報人盡死殺
人如麻頃刻耳歸來一劍仰天高泰山一擲真鴻毛安得
挽落銀河磨此劍劍鋒不折無牢騷鋒摧劍折亦不惜但
願人間滅盡恩仇迹

寄唐雲芝兼懷同游諸子

苜蓿滿城秋秋風不掃愁此心如落木何處是縣州之子

殊難見斜陽一倚樓應還思錦里詩酒舊同游

楊紹基字桂巖無錫人貢生官丹徒訓導有况梅齋詩

集京江游草

詩話桂巖早孤賴母教成立受業孫文靖之門與劉
芙初爲中表兄弟幼同學才亦相埒芙初登上第入
翰林尙綱堂集悔內傳誦桂巖廣文官冷條然自得
誦其詩者謂超曠絕俗似其爲人身後之名固不減
於芙初也

登龍山歌

龍山聳翠磨青銅芙蓉九朵擎高穹連峯橫亙數十里三
春勝地多游蹤我生性本煙霞癖日日尋山興自適不知
石路險崎嶇有腳不著謝公屐直登山脊披榛蕪懸崖過
險非丈夫翠微一徑入雲去半空人語聲喧呼石門兩扇
神驚訝巨斧直劈開一罅共傳此中通蓬萊服藥神人多

羽化卻尋邵寶點易臺蓬蒿沒徑晴煙開荒基廢址已難
識斑斑碧長寒莓苔瀑珠噴迸散晴雪銀河倒瀉蒼垠裂
赤虹下飲深澗中奔流亂噴猩猩血遙山縹緲虛無間丹
靑紫碧疑仙寰豐隆擊碎五色石墮地橫插成煙巒憑高
俯首望震澤潮平寶鏡浮空白遠颿隱隱破雲來疑是海
上乘槎客日沈飛鳥投林鳴歸途犂确暝色橫玉妃喚得
冰輪起照我清影行伶俜此時樂極興偏逸卻思買山築
幽室留得山中一片雲待我他年娶嫁畢芙蓉湖畔泛舟
歸秋潏紋細秋風微聽斷鶻搖聲欸乃夢魂更繞白雲飛

芙蓉水漲歌

碧空一夜銀河決瀉下塵寰勢澎湃幽居三日常閉門聞
說蓉湖水波闊我來觀漲蓉湖邊新晴萬象爭芳妍琉璃

萬頃忽迸碎一棹擊破湖中天回頭別望垂楊浦錦纜牙
檣不知數坐中俱是觀濤人吳姬玉腕輕搖艣風起波紋
疊萬重河流震蕩何洶洶頭怒捲聲忽壯雄驅島嶼驚
潛龍龍峯倒影勢天矯還似游龍下雲表蘭若樓高水面
浮領下一顆明珠小憶昔范蠡乘扁舟五湖散髮隨中流
黃金萬鎰空鑄像飄然世外恣遨遊我今懷古意慷慨欲
仰高風不可再惟餘水面丹毛鳧浴戲浮沈逐荇菜此時
落日沈山阿歸來擊楫揚微波茫然湖山渺無極隔舟靜
聽吳儂歌吳剛斫桂銀蟾窟失手劈破團圓月半輪卻落
湖水中半輪依舊懸天闕月光水色接天遙舟師絮語知
夜潮試看隄外青山影何似揚州廿四橋

惠山寺聽松石歌

古華山寺高崔巍舊有雙松倚石碕靈根入地一千丈老
榦插天數十圍龍髯落落耐霜久喬枝高處礙北斗晴晝
常爲風雨吟三更或作蛟龍吼桃花塢下聽松庵亦有萬
木松與杉豈如此松有靈異蓋影常蔭瞿曇龕松旁有大
石可以供偃仰篆字模糊綠苔長游人到此倚枯筇坐聽
松風石牀上忽然動地聲如雷驚濤怒捲滄溟來琳宮貝
闕恍搖撼山鳴谷應愁崩摧此時股戰膽寒裂坐使耳聾
神氣奪得毋共工戰鬪酣頭觸不周天柱折每逢匝月陰
雨時樹下往往潛蛟螭人言白日飛霹靂陰火燒死蚪龍
枝空心斷節無遺蹟留得階前聽松石至今石畔多松脂
往往掘得紅琥珀我來石上題新詩沈吟卻動千古悲滄
桑歷劫有遷改何況草木榮與萎

吳乃伊字莘夫平陽人諸生官定海訓導有石屏山房

吟橐

晚泊撫州

夾岸煙光蘸碧川輕鷗點點傍沙眠隔溪沽酒歸來晚蘆
荻灘頭月滿船

陸嵩字希孫號方山元和人貢生官鎮江府訓導有意

茗山館集

詩話方山爲文端之祖鎮江府學有四靈圖宋乾道
中熊克刻石龜龍久佚惟麟鳳存繼亦失去嘉慶中
得鳳圖於草萊間復摹刻磨圖併嵌於壁文端生於
學舍因以命字其詩由玉溪以溯杜陵道咸之際身
歷兵事感時之作爲多子九芝以醫名所著世補齋
醫書諸種實能闡發仲景奧義故文端亦精醫世其
學

澗上草堂

蕭然廿載閉柴荆
過眼滄桑自變更
千古高風追泄柳
一生心事託侯嬴
采薇得食何憂餓
卻聘無書爲晦名
誰似山陰戴處士
死生不忘故人情

獨倚

獨倚雕闌有所思
珠簾不捲月來遲
分明對酒徵歌夜
悵悵攀條惜別時
銀燭搖風光黯黯
紅樓隔雨冷差差
夢中連夕金微到
只是旁人未得知

讀房琯傳有感

房琯空悲將略多
陳濤一戰恨如何
早知幕府惟劉秩
應悔心輕曳落河

白門遇程序伯次韻奉酬

不堪兵火後
重與話平生
圖籍他年劫
桑麻故國情
素心

知幾在倦眼此同明莫更傷離別風塵幸已清
惆悵秦淮路西風願屢違墮鳶驚跼跼殘柳故依依久客
身兼病無田歲況飢蹉跎俱五十豈是未知非

射虎行

翩翩少年誰家子挾彈操戈過都市自言膂力能絕人射
虎不數李將軍南山獵獵風沙狂林木摧振天昏黃吁嗟
白額何處藏訓狐作人踞匡牀據鞍顧盼徒旁皇勸君且
歸釋弓弩今但有狐那有虎

龔鉞字適甫又字季適號漚舸南昌人貢生候選教諭
有四和詩六如詩

詩話適甫師事惲子居舒白香山詩學香山近人則學
隨園清轉不竭時有傷於流易者其押馬字全韻殊
可笑

記暴使君碑十二韻

第一滇南石無雙慶道碑建甯傳胄遠庸蜀定遷遲四姓
崇鄉望千柯振本支紹班爰采爾氏纛實因之世擅龍驤
號身丁狼暴滋南中仗磐石天邑仰風儀純懿清明扇英
雄高略姿晝游曾衣錦寢疾遽騎箕銘旣空千古珉應重
一時文章真漢晉字體亦絲芝我幸臨模在仍當奕禩垂
阮公猶保護書派此宗師

清江懷松甫先生

春風滿路送歸艤十里黃雲夾小窗記得韋郎佳句好
菜花香裏過清江

千秋峽坐風懷白香夫子

潭空雨過默龍聲泉漱虹飛石磴明澗水曲緣村外落炊

煙低傍樹中生重來撥草尋詩徑小坐逢人問峽名記得
千秋題句在峯巖同憶桂林城

曉行卽事

曉起船行杳靄間濛濛幾處鷗聲還離家未慣多鄉夢對
我有情惟好山帆外園林隨岸轉水邊鷗鳥學人閒蓬窗
在在清吟足烏榜紅舷又一灣

查人和字藹亭海甯人諸生官順天府經歷有借綠陰
軒詩藁

遣悶

唾壺敲缺有商聲驚起霜華掠鬢迎舊夢似煙渾欲散新
愁如霧不成晴三生杜牧餘禪榻一鉢劉伶賸酒名草草
年光容易過宵來生怕問殘更

家查客叔招同吳山尊陳荔峯小集

漸收檐鐸晚風聲一綫天光捲幔迎月共梅花邀客至
窗銜山色放宵晴陳遵尺牘原無匹吳質文章舊有名
爐火欲銷鐙欲爇起聽街鼓報三更

嚴廷中字秋槎宜良人諸生官兩淮鹽運司經歷有紅

蕉吟館詩存

蔣伯生曰秋槎敏慧似楊遵彥豪侈似王武子名位
似崔立之政迹似魯仲康詩於古人無不似亦不專

家一

詩話乾嘉間滇南詩人以錢南園爲首師荔扉嚴匡
山名亦相埒秋槎爲匡山子少年豪侈構偶園於京
師觴詠爲娛家遂中落入貲爲下僚官萊陽丞海濱
僻處久之累權數邑有政聲晚爲嵯官於揚州倡春
草詩社撰藥欄詩話符南樵有遺光王寅亂後茂林
茶社懷秋槎詩云綠楊城外吟春草草色今猶數載
前江海忽增新感慨林亭不見舊詩篇別來函札艱
通雁悲裏山川獨聽鵲風雨自憐懷抱苦倚闌幾徧

望南天

抵萊陽姜山任東徐石生卽寄之萊州時石生遷掖

縣丞

生不能具飛而食肉之骨相又不能遂膏肓泉石之心胸
吁嗟二者皆不可惟此抱關擊柝或可以追前哲之高風
髯將軍短主簿此中人材古無數君無輕此卑末官造物
視之已爲我輩誇奇遇君不見毘陵黃仲則詩才直追李
太白一丞未就身先死天待詩人只如此噫衙官屈宋吾
與子

晚望

疏林下寒葉秋在遠人村落日紅如此炊煙澹有痕牛羊
識歸路蔬果熟山園共說今年好禾苗高過門

閒嘲

秋心似秋水澹遠絕塵埃問富數花對典衣待客來鈔書
煩老吏量俸置新醅疏懶能如願吾生賴不才

贈宋典傳

瓦屋三間近訟堂居然宋玉在東牆官慚潘岳風情減客
有陶潛酒價昂

謂陶伯夔

宇宙幸留吾輩在經營且讓世人忙

曹蜍李志皆千古苦論流傳亦可傷

濡須南望暮煙澄羈旅情懷恐未勝千里夢回秋館月萬
山寒擁讀書鐙衣裳作嫁蓬門女粥飯隨人退院僧莫戀
天涯歸去好高堂白髮已鬢髥

周篠雲

鑽

聞子輯詩話以詩見贈次韻答之

斷簡殘編取次搜愛才心事算綢繆花難如意尋枝採珠

怕零星作串收得句果然如得土宜春還恐未宜秋此中
消息君應解何日清談湖上樓

小春初旬周篠雲家芷衫杜約同阮梅叔明經陳魯

山孝廉游平山堂歸至虹橋小飲以同游平山堂
分詠拈得山字

浮生難得是清閒一棹尋僧共往還古佛笑迎前度客夕
陽紅過隔江山人來粉牋金殘地秋在黃花白雁間有約
虹橋買村酒暮鐘聲裏別禪關

陶譽相字覲堯大興人諸生官滁州州判有薌圃詩鈔
伴竹軒偶詠

一院琅玕覆酒缸春來个字盡成雙依人疏影青流袂近
砌孫枝翠滴窗日永鶯花成郭杜夜深風雨夢湘江此君

合作閒官伴竟日詩魔未肯降

查有新字銘三號春園海甯人貢生就職州判有春園

吟藁

詩話海甯查氏自初白查浦後代有詩人春園淵源家學不失矩矱集中和陶飲酒二十首自寓生平尤見冲澹之趣

讀羅昭諫讒書

新登鼉江互秀氣鍾毓迺有江東生云何十上不中第英雄落魄同禰衡窮愁著書祇取辱書訝自讒讒乃名沈顏聲書杜罪言大抵感憤之所成嗚呼文辭餘事耳士貴氣節如山橫先生受知吳越主首勸大興勤王兵錢雖未聽心已悟尋遇真主終歸誠子孫永無僭竊志大義炳炳由公明讀罷離騷讀此冊不辭濁酒罇疊傾凜然正氣塞天

地文能衛道真干城

雨中同岑華侍御至天竺卽景

一峯收雲入一峯放雲出一峯雲不流雨絲抽乙乙幸際
天驟陰山路較清謐不然寶馬車十里紛填溢入門禮大
士繞棟香煙密長老拙言詞大遜舍利佛侍御具辯才頗
似維摩詰不著文字禪慧力更無匹流連雲樹間心意同
閒逸塵事未能祛歸舟遂迅發

歸舟至金山阻風五日

聞說上流江水惡無數行舟波中落到眼驚看駭浪奔恍
忽鯨吞與鼉作連朝況遇打頭風雪浪如山噤舵工長檣
鐵鹿沙灘駐後榜前艘語不通忽來猛雨如飛弩疑有鬪
蛟空際舞不辨風聲與水聲但訝前峯拔老樹有時雨止

總風狂鷁首滔滔接混茫似忌客行貪利涉天公作意阻
歸航五夜洪濤堆裏宿雨著簪蓬紛滲漉頻移卧具不成
眠差幸停船無傾覆石尤小緩楫能移遙見隄邊農婦悲
羣說圩田秧再插今番水漲又無涯

淮陰道中詠蘆花和韻

曾憶西溪秋雪鋪冷風葦岸悵羈孤遙看旅雁過仍宿近
訝閒鷗墮忽無鷁首和雲飛作絮龍眠帶月寫成圖高歌
獨立蒼茫裏一片光延萬頃湖

細雨斜風放釣船有人閒傍荻叢眠萬芽猶憶初成筍三
裊俄看盡作鞭白鷺茫茫迷極浦銀蟾澹澹映前川殘秋
楓葉江邊路此景頻經不記年

客到江湖萬緒紛無端秋令又中分濛濛港畔疑濃霧滾

東坡全集卷一百三十三
三
滾洲邊似冷雲紅蓼丹楓原是伴蒼葭白露定需君銜杯
竟欲呼窮士風起寒漪易夕曛

漁翁再到景應非圍繞藤蘿蔭釣磯是雪是花羣目想和
煙和雨一帆飛蕭蕭故壘秋多感鳴鳴言禽暝慣依淩水
有人攀作絮哀鴻徧野正無衣

陳瑞琳字仲久號九香羅田人諸生官河南府經歷有
食古硯齋詩集

中秋夜定香亭吹笛

雨止月初出水亭人影閒攜來一枝笛吹向蕩荷問我酒
半醒醉天風誰珮環夜涼鄉夢遠先到鳳凰山

陸文傑字敏齋浙江山陰人官崑山縣丞有松月山莊

詩鈔

春日偕雅亭弟入都謁選留別諸同好兼示雅亭

飲罷陽關酒一卮
驅歌聲起動人思
難忘李杜論文日
漫說機雲入洛時
駟馬橋邊新折柳
百花潭上舊題詩
巴山儻踐重來約定
向西窗話別離

墟簾叶奏幾經年
雲棧迢遙共著鞭
自昔才人多入蜀
從來豪士愛游燕
連牀風雨三更夢
滿路鶯花二月天
余不負丞君吏隱
可能同到錦江邊

抵荷湖村作

到耳鄉音聽未真
半生辜負鑑湖春
峯巒一笑如相識
我本山陰道上人

舟次儀徵

綠楊深處古眞州
繞郭帆檣萬斛舟
十里珠簾遮不住
笛

聲飛出水邊樓

湯禮祥字典三號點山仁和人諸生江蘇候補縣丞有

棲飲草堂詩鈔

詩話點山爲西厓少宰孫自言其詩不失懷清堂家
法王蘭泉謂西厓詩幽秀出入漁洋縣津而點山頗
有奇氣晚出爲縣尉萊陽初尙書贈以詩
云清才竟如許作尉亦神仙蓋重惜之也

飢民船

飢民船何連連船頭乞食船尾眠自從六月遭大水性命
孤懸一船裏船有時而南船有時而北有時中流風怒號
大船小船行不得行不得泊何許後村已過前村遙浪花
如雪淚如雨淚如雨無時休安得黃河之水不向東南流
粥裘行

宋茗香助教以衣施寒者後不能
繼乃粥裘余高其義作此詩也

朝解衣暮解衣三朝三暮復何有但見眼前颯颯西風吹

西風吹骨欲折葛帔練裙踏冰雪翁將何計回陽春粥裘
不顧妻孥嗔黃絲大布任攜取直視衆身同一身我對粥
裘翁重憶披裘客千金買裘都不惜卻贈歌童五陵陌道
傍冷眼空歎呼白公大裘今已無嗚呼白公大裘今豈無
願君此心終不渝

吳嘯字兼山常熟人官鉅野主簿有紅雪山房詩鈔

劍門道中

橫磨萬劍插雲根形勝西川重此門二月鶯花忙送客四
山風雨亂招魂人情好武殊輕死時俗憂貧易感恩聞道
嘉陵江上路子規嘸血滿荒村

謝文節公卜卦硯歌

宋亡江南無人才文節一語千秋哀椒團坪及建陽市公

所難者非一死死謝天下死可矣存恢復想生乃是義旗
不舉心難明但說餘年報親耳當公辛苦卜卦時茫茫四
海無人知人民城郭都如故忍把興亡歸氣數滄海今更
幾百年卜卦視尙能流傳相看不暇辨真假紛紛託興留
詩篇微物猶爲後人重大節得非公自全嗚呼宋亡死事
尙有人文信國外無公賢

重游京師留別

不有升沈感渾忘出處難生還自戎馬家食託漁竿復與
輭紅約思乘戴白歡故山吾負汝臨發爲重看

過王蘭泉侍郎三洲漁莊感舊

湖海論詩日惟余最少年大名安石重小友步舒憐竹裏
曾懸榻花間屢泊船漁莊今日路腸斷落星邊

王蔚宗字山春江蘇華亭人官宣城主簿有端居室詩

對雨憶春船

赤龍睡醒渴飲湖天帝下授調水符農夫得雨如得珠是
活萬家非私娛吾廬近市塵樊拘猿吟鶴夢思逃虛安得
仲宣樓坐子俯臨萬畝看耕鋤秧鉞一碧風疏疏煙中叱
犢蓑笠濡身閒不識青組紆勸農使者過聽渠田園雜興
陶潛攄科頭倚檻歌烏烏簷前雨點晚更麤急提餅盞催
奚奴黃梅水甘逾醅酬貧家茗材抵蓄租入門百甕富有
餘海上髯翁今來無我具廬仝小竹鑪灌子七椀腸弗枯
倒出奇句買玉壺莫遣王郎幽賞孤

秋蛩

東野詩鳴何太苦南園鬼語未全收澹煙曉月迷三徑破

葉疏花老一秋

王斯年字海村海甯人諸生官長淮衛千總有秋塋書

屋詩鈔

詩話海村師事張船山船山歿後海村畫序詩圖以志哀思

除夕有感

年光如水去何賒星影侵人鬢漸華身有餘閒拚中酒夢
忘是客竟還家堂高雅愛來春色山冷憑誰說舊花寄語
嬌兒癡弗賣不癡我尙困塵沙

哭張船山先生卽題序詩卷子

羣彥傾談一座尊春風曾侍草堂溫詩傳衣鉢開奇境語
到君親有淚痕不佞自憐餘傲骨長貧何處答師恩丹青
幸得生花筆摹想遺容彷彿存

林遇春字鐵山平遠人監生官宛平石港口巡檢有妙香庵詩存

由湖曲訪山堂居士留贈

幽徑春寒峭野花開未繁籬疏搖竹影橋側絡松根山霧欲爲雨溪流總到門我來尋逸士相對欲忘言

秋郊晚眺

閒行近郭遣無聊雲物稀疏漾柳條隔浦歸帆輕帶雨小橋流水暗通潮巖前瀑響飛晴雪煙裏歌聲出晚樵最愛夕陽溪畔路滿村紅葉落蕭蕭

九月十日偕諸同人集謙齋別駕齋中賞菊

風雨纔過落帽辰招邀花底醉芳晨冷香入座清於水秋色相看淡似人四海論交天地闊一堂高會性情真東籬

北山集卷一百一十二
菊滿難歸去羞著先生漉酒巾

辛未九日偕同人登城感懷

雲晴天宇淨墟里上炊煙落日千山暮秋心一雁先孤城
連朔漠野水自澄鮮愁對霜華冷黃花著意妍

登盤山懷湘南鄧湘皋孝廉

洞庭南望重踟躕野色蒼涼落木疏春水綠波人去後秋
山紅葉雁飛初飄零張儉還爲客憔悴長沙尙著書頻向
天涯遙極目故人消息近何如

周寶生字晉齋吳縣人官龍灣司巡檢有養雲軒詩橐
長青閣詩鈔半帆亭橐晚香堂餘橐希白齋近橐無
倦書屋吟橐掃籜山房存橐

抵鎮遠縣作

路入龍標景物紛城臨水陸勢斜分扁舟暫泊灘頭雨細
馬輕馱嶺上雲七十日過如度歲六千里未息勞筋關山
似覺重來好澗草巖花撲練裙

江樓

客鬢新生白西山不改青予懷殊渺渺晚色更冥冥路遠
浮孤棹江空浴亂星何人吹鐵笛鄉思滿煙汀

書懷

小草雨露偏欣欣便得意才吐一枝花臨風學娥媚

秋日送秀枝東歸兼寄瀆川諸友

異地難留爾言旋各自謀雲停蘭渡晚風醉石湖秋舊雨
知誰健新阡代我求雖經離別慣倚杖涕先流

過子陵釣臺

故人不是爲天子同學如何有釣臺
七里青山千尺水畫眉聲裏碧桃開

夢游靈巖山寺

幾載欲歸歸未得不圖夢裏卻來歸
硯山一角青如染香水三篙綠正肥
西子洞邊春草合伍胥廟外怒濤飛
疏鐘無賴催人覺依舊荆南淚滿衣

錢允濟號芷汀昆明人官呂堰巡檢有觸懷吟

別雷二陶

同是遠游子君歸增我傷與君干薄祿
先我慰高堂芳草滿幽谷白雲多故鄉
扁舟獨未返揮手淚霑裳

月夜江行

晚潮初上片帆懸秋氣蒼茫望杳然
月色到江都化水山

痕入夜欲成煙霜清烏鵲聲中樹客渡魚龍影裏天鐵鎖
石城懷往跡高歌擊楫不知眠

晚晴移詩匯卷一百二十二終